


建昌府志



序

昔孔子欲監夏殷之禮而
歎杞宋無徵則以文獻不
足故也韓宣子聘魯見易
象春蠱曰周禮盡在魯矣

由斯以譚文以獻傳獻以
文紀二者相須甚殷所關
于郡邑非小也周制職方
氏掌天下之圖小史掌四
方之志有所爲圖地道志



者蓋綦詳焉漢唐宋以降
志郡國志十道志九域皆
倣周制而爲之明自萬曆
壬子再修郡志距今六十
二年來其間忠臣孝子文

人節婦名湮沒而不傳者
可勝道哉予守盱郡歷年
多習知川原土俗久欲編
成一書近奉有修志

功令同官李公適至東國

文獻泱泱大風愧予非敬
仲而得隰朋之舌爲之欣
助乃屬紳衿之直諒多聞
者採而輯之而予輩復手
爲較正稽天文察地理考

人物類聚群分刪繁補畧
仍其舊貫益以新裁如李
臨淮之入郭軍旌旗壁壘
一變矣夫盱固秀麗之區
亦文物之邦也兩姑律萃

于西南雙虹蜿蜒于東北
千巖競秀萬壑爭流顏魯
公之記謝靈運之詩不足
繪其萬一也若乃魯南豐
李盱江之文章何文肅張

文德羅文肅夏東洲之宦
業鄧忠愍之節義羅明德
之理學鄧潛谷之經術昭
然耳目貫乎古今詩不云
乎高山仰止景行行止雖

不能至心竊嚮往之語曰
前事之不忘後事之師也
後之官茲土者覩宦牒而
思治仰鄉評而思賢覽山
川土田而知廢興之故觀

民風物產而識盛衰之因
如與先正諸公集思廣益
不復歎文獻之無徵矣豈
徒登高謀野云乎哉遂援
筆而爲之序

昔

康熙癸丑仲夏穀旦

中憲大夫知建昌府事加

一級三韓高天爵題于

盱署之自公堂

建昌府志

卷之一

序

六



序

皇上御極之十

二年癸丑六月

先始奉

簡書同理建郡

既至謁

太守高

公退食於署方思所以助流

建昌府志

卷之一

李序

一

政教以無負樹官分職之意

而余隸新南北剛柔燥濕異

齊公治建且過一星紀為

余言風土

人物源流正變如

舉五指而頊之又如入其家

辨其子姓昭穆聲呼而鄉音答
余實無所益於公而公
益余多矣會

朝廷方脩大典志一統車書之
盛行郡邑先蒐輯以獻建志

建昌府志

卷之一

李序

二

前經五脩距今且六十二年
天道數周於上人事具積於
下願簡編散佚守藏闕如
公乃相與索諸名山詢諸其

人舊志畢登又采家乘於

木實悖史於爵醕河源既寤
復探歸墟雖勞不敢避矣而
向所示源流正變之所以然
者今且悉圖迴於紙上乃從
公後樂爲之序曰讀部檄

而知

今上之德意遠也古職方掌天下
之圖析至於男女樹畜又有
訓方氏達情於外擇人誦志
於內而康樂札青各爲一書

則有小行人之獻當其時薄
內嚮風六服承辟雖匹婦之
賤不謁而咸得所欲者上下
遠近之情通也其後星分壤
畫雖大聖人不能不以一乘

兩馬遠問官禮而楚左史以
能誦八索九丘特見重於其
君則計其時士之老死而不
得見易象春秋者必多矣况
其鄉亭都邑之雜紀乎然管

晏國民之徒能以其學飭其子弟田疇別其士商農工爛然聲施於天下者各習其俗相傳以世故易教也猶有晉乘楚書並於魯史以昭示來

誌

今天下一君官其地者未必其所產思以宣上德而達下情則必徵於人監於憲雖襄陽者舊之作荆州風土之記猶當

過而存之者其勢然也我
國家聲教丕冒日出凡鴻蒙以
來未闢之星辰禹跡不及之
天地無不仁漸義濡下至於
豉行喙息矧郡爲敷淺原彭
蠡上游民實出其絲穀以供
縣官之御者哉

天子異日按圖而考治也其城郭
山川平陂盛衰之故以至風
俗之貞淫得失戶口之盈虛

賦役之繁簡大吏所欲言而未及者

廟堂之上且沛然自發德音是或不爲無助語曰以書爲御者不盡馬之情而終不以御

廢書不先職詰戎兵察非常心忤然懼有如代守節春秋來承

王事舉故以問不能供對其何辭之與有今茲幸矣

省

康熙癸丑仲秋之吉

賜進士第奉議大夫同知建昌

府事長山李丕先題於盱江


書院

建昌府志

卷之一

李序

八



建昌府志書序

國家一統之盛遠邁前古太史氏方且廣徵輿紀博採風謠纂成

一代鉅典而郡邑之吏靡不殫精蒐輯竭志訪求庶幾方

域所屆披圖按籍瞭若指螺誠盛事也建武爲豫章名郡其間山水靈秀人文蔚起代不勝書獨是郡志之缺修已數十年於茲矣太守高公暨余輩商確因五邑之所呈

增損較訂合而成書竊縱觀
乎峯巒之奇鬱江流之委折
而益知建武之負名爲不謬
也以故地靈所鍾傑爲節烈
炳爲名臣與夫甲第之蟬聯
文詞之照耀皆足芳百世而

垂千秋鄉先生叙載亦綦詳
矣余惟思廣昌一邑實盱水
發源之地崇山峻嶺險於他
邑故向者萑符有警賴高
公躬擐甲冑力剪平之此非
一邑之幸乃一郡之福也故